

春秋左傳典略

春秋左傳典略四

閔公起庚申迄辛酉凡二年

○衛懿公好鶴

、歸夫人魚軒

春秋左傳典略四

明浙澆陳許廷著

閔公

衛懿公好鶴

二年十二月

未讀
柳

浮丘公曰鶴者羽族之宗長僊人之騏驥也隆鼻短口則少眠露眼赤睛則視遠頭銳身短則喜鳴四翎亞膺則體輕鳳翼雀毛則善飛龜背鼈腹則能產軒前垂後則善舞洪髀纖趾則能行高腳竦

節則多力。百六十年。雄雌相見。目精不轉。孕千六
百年。飲而不食。

歸夫人魚軒

二年十二月

魚海中獸。其皮雖經年。海水將潮。毛皆起。潮還則
復如故。在數千里外。與潮自相感。其皮背有斑文。
腹純青。可以文器。

春秋左傳典略五

僖公起壬戌盡甲午凡三十三年

○楚子使屈完如師師退次於召陵

○○漢水爲池

△○觀臺望雲

、輔車脣齒虞虢之謂

△臘

○○齊侯修禮於諸侯諸侯官受方物

春秋左傳卷之四
卷之四
○耄老

○○夷吾無禮

○沙鹿崩

○震夷伯之廟罪之也

△△初晉獻公筮嫁伯姬於秦

△六鷁退飛過宋都

△六畜不相爲用

○寡人雖亾國之餘不鼓不成列

、金鼓以聲氣也

、楚子入饗於鄭加邊豆

○秦伯納女五人懷贏與焉

、展禽

△鞭七人貫三人耳

、距躍三百曲踊三百

、背惠食言

○愷以入于晉

△△△介葛盧聞牛鳴

○穀有二陵

、秦過北門左右免胄而下

春秋左傳典略五

明浙澣陳許廷著

僖公

楚子使屈完如師師退次于召陵

四年春

此師左
以是
死周

威公之功德莫大於帖荆。特荆強大卒暴征之。勝未可命也。先犯其與國。兵精威行。乃推以伐楚。不采阻常武。而以文德柔之。善勝者不戰也。經再言盟者。孔子曰。書之重。辭之復。嗚呼。不可不察其中。

春秋左傳與
必有美者焉。

漢水爲池 四年夏

川以漢名者二。班固謂之東漢西漢。而黎州之漢水。源於飛越嶺者。不與焉。東漢則禹貢之導漾自嶓冢。至漢陽入江者也。西漢則蘇代所謂漢中之甲。輕舟出於巴。乘夏水下漢。四日而至五渚。其源出於西和州徽外。與涪水合入於江。

觀臺望雲 五年正月

分至啓閉。視日旁五雲之物。降豐荒之稜象。黃爲
豐。青爲蟲。白爲喪。赤爲兵。荒黑爲水。和之美者。揭
雲之雲。其色紫。通卦驗曰。冬至初陽。雲出箕如
樹立。春少陽。雲出房如積水。春分正陽。雲出軫如
白鵠。穀雨太陽。雲出張如車蓋。立夏初陰。雲出觜
如赤珠。夏至少陰。雲出參如水波。寒露正陰。雲出
井如冠纓。霜降太陰。雲出鬼上如羊。下如蟠石。韓
雲如布。趙雲如牛。楚雲如日。宋雲如車。魯雲如馬。

衛雲如犬。周雲如輪。秦雲如行人。魏雲如鼠。齊雲如絳衣。越雲如龍。蜀雲如困。荀子曰：冬日作寒，夏日作暑。廣大精神，請歸之雲。元命包曰：陰陽聚爲雲，五合慶三合，喬佐助期曰：武露布文，露沈。宋均注：以露布散者，其國尚武。文采者，則露凝重也。

輔車唇齒虞虢之謂

五年秋

輔、頤也。易咸其輔頰。舌車、領車牙所載也。內皆爲車外頰爲輔。武王封虞仲之庶孫以後虞仲處中。

國爲西吳。周公學於虢叔，散宜生學於太公。酌酒切肺，除師學之禮，約爲朋友。

臘

臘者，所以迎刑送德也。大寒至，常苦陰勝，故以戊日臘。戊者，溫氣也。或曰：臘者，接也。漢家火行衰于戊，故曰臘。食新曰臠，臠一曰離臠。

齊侯修禮於諸侯，諸侯官受方物。七年秋

夏后氏作禹貢，商伊尹作獻令，成周之會，赤爽陰。

羽以受贄。齊管仲賀獻於周。乃城陰里而環菁茅之封。大約方物致貢有九。一曰祀貢菁菹茅匭。三牲魚腊。鮑之醬。盧牛。封。麤。輝。玃。海物。屈天地之美也。二曰嬪貢。縠。絲。猷。泉。江。歷。照。貝。姑。妹。之。珍。翡翠之羽。三曰器貢。厲。砥。磬。錯。浮。磬。怪。石。鏞。枝。蘭。鼓。彤弓。楛。柞。閭。象。之。旌。魚。支。之。鞞。鮫。鼈。白。旄。四曰幣貢。織。貝。文。皮。石。璧。圭。瑗。欵。琮。玄。繚。碧。綦。璧。琰。青。馬。乘。黃。玆。白。尊。耳。橐。駝。白。玉。駒。駼。馱。馱。五曰材貢。鄒。桐。

雷松。樵。幹。栝。柏。篠。簞。箇。輅。六曰貨。貢。瓊。鐵。銀。鏤。螭。
珠。金。錫。瑤。琨。琅。玕。丹。青。蜃。貝。文。犀。象。齒。龍。角。火。龜。
七曰服。貢。玄。纁。璣。珉。絺。紵。織。纈。虎。豹。狐。狸。之。紕。罽。
八曰旃。貢。夏。翟。揚。鸞。臯。雞。孔。鳥。茵。鶴。短。狗。露。犬。白。
鹿。大。麀。青。狐。九曰物。貢。橘。柚。之。包。渠。展。之。鹽。遼。東。
之。煮。禺。禺。海。蛤。蟬。蛇。大。蟹。

耄老

九年夏

耄鐵也。老人面如鐵色。六十七十八十無正文。

夷吾無禮 十年秋

馬融曰共世子惡傷父之志不自明而死夷吾改葬以旌父過故曰無禮非第以賈君故也。

沙鹿崩 十四年八月

蓋嘿然襲于地中漢書載晉史之卜曰陰為陽雄。土火相乘故有沙鹿崩後六百四十五年宜有聖女興王氏土也陰也劉氏火也陽也陰數六十四陽數五。

震夷伯之廟罪之也 十五年九月

幽陰之惡。非法令所得繩也。其人尊貴。非刑章所能加也。聖人因天地之變。自然之妖章。其事以大震穢行之人。神道助教。此故為深。

初晉獻公筮嫁伯姬於秦。遇歸妹三三 兌下 之睽

三三 兌下 離上 史蘇占之曰不吉。其繇曰士刲羊亦無

益也。女承筐亦無貺也。西隣責言不可償也。歸妹

之睽猶無相也。震之離亦離之。震為雷為火為羸

敗姬車說其輓火焚其旗不利行師敗於宗丘歸
妹睽孤寇張之弧姪其從姑
十五年十月

兌爲羊離爲戈兵震變爲離刺羊之象三至五有
坎象坎爲血血在羊上故刺無血震爲竹竹爲筐
震變爲離火動而上其施不下故筐不實坎爲月
月生西方故爲西鄰坎爲水兌鍾水坎責之澤澤
償水則竭故不可償兌爲金離爲火金火相遇而
相害故無助姬姓火羸姓水離遇坎故敗姬震爲

龍○諸○侯○之○旗○離○之○震○故○焚○旗○震○爲○車○車○遇○坎○故○脫
輻○震○東○方○木○兌○西○方○金○木○遇○金○則○克○故○不○利○行○師○
震○爲○木○離○爲○火○火○動○還○害○其○母○女○嫁○反○害○其○家○故
敗○於○宗○丘○坎○爲○弓○故○張○弧○離○爲○震○妹○於○火○爲○姑○謂
我○姪○者○我○謂○之○姑○故○姪○從○姑○

六○鷓○退○飛○過○宋○都

十○六○年○正○月

物○或○以○火○化○或○以○風○化○東○方○之○鹽○以○火○化○西○方○之
鹽○以○風○化○鷓○雌○雄○相○視○而○孕○化○以○風○者○也○風○師○曰

春秋左傳與略

僖公

六

蜚廉應劭曰蜚廉神禽也能致風氣鷁者或蜚廉之類其逆行於吼天正傲客之恒好豈知以折傷奔厲譴告人君乎故曰非吉凶所生凡鳥之死皆散於風鳳曰靡鸞曰吡

六畜不相爲用

十九年夏

房爲馬祖祭之者不用馬馬主天駟牛主天苑又有天雞天狗天豕之星蓋六畜各有其祖也

寡人雖亡國之餘不鼓不成列

二十二年十一月

湯武以至聖伐至惡尚誓衆使多殺是軍法務在多殺殺敵乃爲禮也公羊善宋襄公不鼓不成列以爲文王之戰亦不過此武王之戰旣知不然文王之戰豈當若是審如公羊之言文王未曉戰法其不能身定天下豈爲此乎

齊頃不知戎禮致中御之君子執紼馬前乃徒以辟司徒之妻爲有禮予之石窀也善敗者不亾禮云禮云

金鼓以聲氣

軍事用賁鼓。錡以和之。鐃以節之。鐃以止之。鐸以通之。軍旅夜鼓。鑿鑿音戚。聲同憂戚也。司馬法曰。昏鼓四通爲大鑿。夜半三通爲晨。戎旦明五通爲發。狗。

楚子入饗於鄭加籩豆

醢人。豆人。薦四。籩四。豆之實。朝事薦血腥。其籩。醴。黃白。黑形。鹽。膾。鮑魚。鱠。其豆。韭菹。醢醢。昌本。麩。糲。

菁菹鹿藿。茆菹麋藿。饋食薦熟食。其邊棗、栗、桃、乾、
蓀、榛、實、其、豆、葵、菹、羸、醢、脾、柝、麤、醢、蜃、蚶、醢、豚、拍、魚、
醢、亞、獻、所、加、菱、芡、栗、脯、四、物、八、邊、其、豆、芹、菹、兔、醢、
深、蒲、醢、醢、落、菹、鴈、醢、筍、菹、魚、醢、宰、夫、羞、房、中、之、羞、
其、邊、糗、餌、粉、飧、其、豆、醢、實、糝、食。

麥、麩、麻、蕒、稻、白、黍、黑、粢、鹽、虎、形、牒、生、魚、爲、臠、福、
土、爲、室、糗、乾、之、曰、鮑、江、淮、有、之、柝、乾、曰、鱠、東、海、
有、之、莖、乾、肉、雜、梁、麩、及、鹽、漬、以、酒、置、甄、百、日、成、

醢。無骨醢。有骨醢。乾蓀。乾梅也。內則有桃。諸梅。諸羸。虢。蚰也。脾。析牛百葉也。麤。蛤也。蚘。蟻卵。或曰。蚘子。拍脅也。魚衣。曰。涪。桑耳。曰。蒲。熬豆與米。曰。糗。切牛羊豕肉與稻合。烝為餌。餅之曰。糝。煎之曰。糝。醢以酒醢為餅也。臙音武。繡音果。臙音。摺細切肉也。醢音越。

醢音都。蓀音老。羸音魯。虢。蚰。蝸牛也。麤音。蚘音池。糝音繳。

秦伯納女五人懷羸與焉

二十三年冬

服虔曰公子申意於楚子伸於知已降服於懷羸

屈於不知已。感槩。

展禽 二十六年春

展禽名獲。柳下其采也。莊曰柳下季季五十字禽二十字。

鞭七人貫三人耳 二十七年秋

貫如貫魚之貫耳。助句也。正義亦作此解。

距躍三百曲踊三百 二十八年三月

以傷病之人而再言三百不可為六百跳。杜言百

春秋左傳典略

猶勵言每跳皆勵勉爲之。

背惠食言

二十八年三月

食消也。爾雅曰：食僞也。

愷以入於晉

二十八年七月

兵樂曰愷。師有功。元帥左執律，右秉鉞，以先。愷樂獻於社，執律所以聽軍聲也。夫吹律以知吉凶，聞聲而審勝負，有虔秉鉞，故六軍威之。此建旆之時，事也。故兵志曰：出軍之日，將張弓大呼，大師吹律。

合音。商則戰勝。軍士強。角則軍擾。多變。失士心。宮則軍和。士卒同心。徵則將急。數怒。軍士勞。羽則兵弱。少威明。乃疏軍還軫。猶躬執戎兵。占風驗律。其於橐建倒載之旨。何居。蓋兵象消與不消。氛沴釋與不釋。生氣復與不復。易移奪於外。寧之始。斯役不踰時。而猶誌於同律之聽。甲兵之耀者。微歟。

介葛盧聞牛鳴

二十九年冬

服。不服。不服之獸也。其役有貉。隸征東北夷。所獲

者通獸言。東夷所獲者曰夷隸。掌與鳥言。以八律之音聽禽獸之語。周衰官失之矣。

天有大象而不能言。故運星精於上。流神明於下。驗風雲以表異。役鳥獸以通靈。表異者必有浮沉之候。通靈者必有宮商之應。是以宋襄失德。孕鵲之鷁過都。伯姬大祥。焚巢之鳥叫亳。四國未火。木母振條。衆鳥夾日。南風改服。此乃上天之所使。自然之明符。在昔秦祖以功受封。公冶公明表於傳。

志玄王之燕卵起家。文考之丹書受命。何有以鳥鳴爲語亂神明之所異乎。夫鳴鳥之聽精在鶉火。妙叶同律。自非斯倫。猶季路之於生死也。

穀有二陵 三十二年冬

其阨道在兩穀之間。山高而曲。參差相嶽。魏武惡其險。討蜀時更開北山。高道何休云。其處險阻。隘勢一人可要。百故文王過之。驅馳常若避風雨。秦過北門。左右免胄而下。三十三年春。

兵車之法。左持弓。右持矛。中人御車。故左右下御。不下。呂氏春秋王孫滿曰。過天子之城。宜櫜甲束兵。

秦者隴西谷。名周孝王邑非子於秦谷。

春秋左傳典略六

文公起乙未盡壬子凡十八年

○○書曰及晉處父盟以厭之也

△宋鄭上祖

、季文子求遭喪之禮

○○閏月不告朔非禮也

、趙盾將中軍 ○趙衰趙盾既賢

△穆叔如莒爲仲逆已氏自爲娶之

△鄭瞞由是遂亾

○交綏

○○○晉侯使詹嘉處瑕以守桃林之塞

△△△秦人歸其帑其處者爲劉氏

○○○有星孛入於北斗

、飾棺

○○○齊人歸公孫敖之喪爲孟氏且國故也

、渾散窮竒禱机饗餐

春秋左傳典略六

明浙澆陳許廷著

文公

書曰及晉處父盟以厭之也

二年四月

不復書公直言及晉處父盟若言魯之賤人往與之盟也魯之賤人不合書名舉其所爲之事而已言及不言名是微人之常稱也以微人常稱與處父爲偶若處父亦賤也魯以微人敵微人直也晉

春秋左傳與略
以卿敵公不直也。如此書經者以魯之直厭晉之
不直也。然則不貶處父稱人者。貶之稱人則惡名
不見。貶其族。畱其名。所以惡處父也。

宋鄭上祖

二年八月

子夏曰。禽獸知母而不知父。野人曰。父母何算焉。
都邑之士則知尊禰矣。大夫及學士則知尊祖矣。
諸侯及其大祖。天子及其祖之所自出。尊者尊統
上。卑者卑統下。

季文子求遭喪之禮

六年秋

聘遭喪入竟則遂也。不郊勞。不筵几。不禮賓。主人畢歸禮。賓惟饗餼之受。不賄。不禮玉。不贈。遭夫人世子之喪。君不受。使大夫受於廟。其他如遭君喪。遭喪將命於大夫。主人長衣練冠以受。鄭玄曰。入竟則遂。國君以國爲體也。周禮安在。烏行而求之乎。

閏月不告朔非禮也

六年冬

人君者設官分職以爲民極。遠細事以全委任之責。縱諸下以盡知力之用。總成敗以效能否。執八柄以明誅賞。故自非機事皆委心焉。誠信足以相感。事實盡而不擁。故受位居職者。思效忠善。日夜自進而無所顧忌也。天下之細事無數。一日二日萬端。人君之明有所不照。人君之力有所不堪。則不得不借問近習。有時而用之。如此則六卿六遂之長。雖躬履此事。躬造此官。當皆移聽於內官。迥

心於左右。政之糝亂。恒必由此。聖人知其不可。故簡其節。敬其事。因月朔朝。遷坐正位。會羣吏而聽大政。考其所行。而決其煩疑。惡其密聽之亂公也。故顯衆以斷之。是以上下交泰。官人以理。萬民以察。天下以治也。文公謂閏非常月。緣以闕禮。雖朝於廟。則如勿朝。故傳因所闕而明言典制也。

趙盾將中軍 七年夏

禮緯曰。庶長稱孟。適長稱伯。慶父。長庶也。故稱孟。

氏趙氏旄車之族。叔隗之姓。故稱寘孟也。物積而後始極。旣極而後方衰。從旦積煖。故日中之後。乃極熱。從昏積涼。故夜半之後。始極寒。計一歲之日。分乃爲陰陽。然六月乃大暑。季冬始極寒。以斯知衰。消之揆。所積然矣。

趙衰趙盾詭賢

七年夏

賈它多識。以恭敬。文公蓋長事之。從亾十有九年。且狐突之孫。而偃之適也。盾非姬氏。則狄人耳。夷。

之蒐。二勳竝登。看寵大矣。乃眊處父。易其班而上之。它之奔狄。則令史駢送其帑。與其器用財賄。盡出諸竟。所以遷夜姑之迹於晉。深於商任之錮矣。爲政以來。亂兵不輟。民志無厭。受齊賂。成宋亂。納捷菑。而弗克。諸侯之屬晉者。皆貳于楚。囚解揚。勿能報也。看何能之。有襄公薨。夫人太子猶在。而外求君。已殺公子樂於郟。復背先蔑。拒子雍。由是秦晉兵交。無有寧歲。桃園之甲。雖君侈而懷諫。自詒

伊○感○然○屬○徒○公○介○皆○其○私○人○也○爲○子○君○者○能○無○猜○
焉○卻○缺○言○於○盾○曰○子○爲○正○卿○以○主○諸○侯○而○不○務○德○
其○若○之○何○當○日○輿○人○之○誦○可○知○矣○卒○也○孟○姬○之○讒○
幾○墜○其○胤○踣○其○宗○遺○孽○不○殄○憇○庇○成○季○之○德○耳○冬○
日○夏○日○之○稱○它○豈○媒○但○也○哉○

穆叔如莒爲仲逆已氏自爲娶之

八年冬

子夏曰夫之昆弟何以無服也其夫屬乎父道者○
妻皆母道也其夫屬乎子道者妻皆婦道也謂弟

之妻婦者。是嫁亦可謂之母乎。故名者人治之大者。也可無慎乎。鄭玄曰。以母婦之服。服兄弟之妻。以舅子之服。報夫之昆弟。則是亂昭穆之理也。大傳曰。同姓從宗。合族屬。異姓主名。治際會。名著而男女有別。彼已之子。於夫敖也。以母匹者。與以婦。承。自。與。

鄭瞞由是遂亾 十一年

長狄世爲國主。綿歷四代。種類相生。當有支屬。止。

獲數人。乃云其種遂絕。又三丈之人。當有匹偶。豈有三丈之妻爲之生產乎。仲尼所譚。丘明所傳。通賢大聖。立此格言。不可論其是非。實疑之久矣。蘇氏曰。蓋迸居夷狄。不在中國。故云。遂亾秦時。大人見於臨洮。其遺種與何休曰。蓋長百尺。勒畢國人長三寸。

交綏

十二年十二月

綏安也。軍務進取。恥言其退。故以綏名焉。司馬法

日將軍死。綏又曰：逐奔不遠，從綏不及，逐奔不遠。則難誘，從綏不及，則難陷。

晉侯使詹嘉處瑕以守桃林之塞。

十三年春

此由秦適周之孔道也。秦阻西戎，適子生以不名。令於四竟，擇勇猛者而立之，不尚文德，不羞詐力。汎舟之役，僻倪形勢，遂深入於韓。今襄公使乞術與東諸侯，遠結恩好，晉虞其要約，外援東西，圖已。故令嘉控其地以塞夷庚。

秦人歸其帑其處者爲劉氏 十三年夏

鳥尾曰帑尾爲鳥之後妻子亦人之後故俱以帑言也秦滅魏劉氏徙大梁漢高祖之祖豐公又徙沛故高祖爲沛人或曰漢儒挿注此句以媚於世賈逵上肅宗疏曰五經家皆無以證圖讖明劉氏爲堯後者而左氏獨有明文書奏帝嘉之賜布五百匹衣一襲周定王弟季子食采於劉亦稱劉氏卽劉康公也 劉子玄以漢爲陸終後未詳其

有星孛入於北斗

十四年七月

孛一名橈槍橈雲如牛槍雲如馬預以史服不言其占非末學所得詳言按春秋緯文耀鉤云華岐以西龍門積石至三危之野雍州屬魁星大行以東至渭水上屋砥柱冀州屬樞星三河雷澤東至海岱以北兗州青州屬機星蒙山以東至江南會稽震澤徐揚之州屬權星大別以東至雷澤九江荆州屬衡星荆山西南至岷山北嶠鳥鼠梁州屬

開星外方熊耳以至泗水陪尾豫州屬搖星七星
 一主日二主月三命火四煞土五伐水六危木七
 罰金孔演圖曰霓者斗之亂精也斗失度則投霓
 見態天官曰杓攜龍角魁枕參首用昏建者杓杓
 自華以西南夜半建者衡衡殷南斗中州河濟之間平
 且建者魁魁海岱以東北也布度定記分州繫象
 史服所占或非絕學運斗樞曰春秋設七等之文
 以貶絕錄行應斗屈伸七等州國氏人名字也

飾棺

十五年夏

飾棺以華道路及壙中君龍帷三池振容黼荒火
三列黻三列之褚加偽荒纁紐六齊五采五貝
黼嬰二黻嬰二畫嬰二皆戴圭魚躍拂池君纁戴
六纁披六大夫畫帷二池不振容畫荒火三列黻
三列素錦褚纁紐二玄紐二齊三采三貝黻嬰二
畫嬰二皆戴綏魚躍拂池大夫戴前纁後玄披亦
如之士布帷布荒一池揄絞纁紐二緇紐二齊三

采一貝畫翼二皆戴綏。士戴前纁後緇。二披用纁。

荒蒙也在旁曰帷在上曰荒皆所以衣柳也。士布帷布荒白布也。君大夫加文章焉。黼荒綠邊爲黼文。畫荒綠邊爲雲氣火黼爲列於其中耳。僞當爲帷。大夫以上有褚。褚屋也。以褚覆棺乃加帷荒於其上。紐所以結連帷荒者也。池以竹爲之。如小車苓衣以青布。抑象宮室懸池於荒之爪端。若承雷然云。君大夫以銅爲魚懸於池。

下。揄。搖。翟。也。青。質。五。色。畫。之。於。絞。繒。而。垂。之。爲。振。容。象。水。葦。之。動。搖。行。則。魚。上。拂。池。雜。記。曰。大。夫。不。揄。絞。屬。於。池。下。是。不。振。容。也。士。則。去。魚。齊。象。車。蓋。蕤。縫。雜。采。爲。形。如。瓜。分。然。綴。貝。於。其。上。及。旁。戴。之。言。值。也。所。以。連。繫。棺。束。與。柳。材。使。相。值。因。而。結。前。後。披。也。披。亦。以。絳。帛。繫。戴。引。之。不。使。欹。傾。也。車。行。持。翼。旣。礪。樹。於。壙。中。綏。當。爲。綏。讀。如。冠。蕤。之。蕤。蓋。五。采。羽。四。注。於。翼。首。也。

齊人歸公孫敖之喪爲孟氏且國故也

十五年夏

子夏曰昆弟之義無分。然而有分者則辟子之私也。子不私其父則不成爲子。故有東宮有西宮有南宮有北宮。異居而同財。有餘則歸之宗。不足則資之宗。穀也。舍子茂而立難斯。其資不足之義深歟。毀請待命。君子末不亦善乎之私之也。

渾敦窮奇。檮杌饕餮。

十八年冬

神異經。饕餮目在腋下。檮杌能鬪不退。渾敦無七

竅。山海經。驩。兇。亦。獸。名。周。鼎。著。饗。饗。有。首。無。身。食。
人。未。咽。害。及。其。身。以。言。報。更。也。
言禹則曰世濟其
美言鯀則曰世濟
其凶恐
難陷盾

春秋左傳典略七

宣公起、癸丑、盡庚午、凡十有八年

△商紂暴虐鼎遷於周

○楚子盟吳越

○遂殺洩冶

△屈蕩尸之

、痺

○○元戎

△楚重至于郟

、、文字

○子家奔齊

春秋左傳典略七

明浙濟陳許廷著

宣公

商紂暴虐鼎遷於周

三年春

武王徵九牧之君登幽之阜以望商邑武王至於周自夜不寐周公旦卽王所曰盍爲不寐王曰告汝維天不饗殷自發未生于今六十年麋鹿在牧蜚鴻滿野天不饗殷乃今有成維天建殷其登名

民三百六十夫不顯亦不賓滅以至今我未定天
休何暇寐王曰定天休依天室悉求夫惡貶從般
王受日夜勞來我西土我惟顯服及德方明自洛
汭延於伊汭居易毋固其有夏之居我南望三途
北望嶽鄙顧詹有河粵詹洛伊毋遠天室營周居
於洛邑而去。

楚子盟吳越

八年夏

外傳曰芊姓夔越則夔與越皆楚之別封或非夏

后○之○後○熊○渠○立○少○子○執○疵○爲○越○章○王○僭○王○之○也○始

遂○殺○洩○冶○九年冬

靈○公○殺○洩○冶○而○鄧○元○去○陳○以○族○從○子○曰○比○干○於○紂○
親○則○諸○父○官○則○少○師○忠○款○之○心○在○於○存○宗○廟○而○已○
固○當○必○死○爭○之○冀○身○死○之○後○紂○當○悔○悟○本○志○存○於○
仁○者○也○洩○冶○之○於○靈○公○位○在○大○夫○無○骨○肉○之○親○懷○
寵○不○去○仕○於○亂○朝○以○區○區○之○身○欲○止○一○國○之○淫○昏○
死○而○無○益○可○爲○猥○矣○

屈蕩尸之

十二年夏六月

尸當作戶。戶止也。止戶曰戶。禦門曰門。漢王嘉坐戶殿門失闌。免師古注。嘉掌守殿門。止不當入者。而失闌入之。亦證此義。

罍 十二年冬

天子周城。諸侯軒城。軒城者。缺南面以受過也。城堞曰罍。於以僻倪。非常又罍。益也。或曰女垣。言其卑小。比之於城。女子之於丈夫也。

元戎 十二年夏

夏后氏曰鉤車。先正也。殷曰寅車。先疾也。周曰元戎。先良也。鉤車備誤。鉤擊其行。曲直有正。故曰先正。寅進也。戎車也。司馬法曰。大前驅。啓乘車。大晨倅車。屬焉。大晨。大殿也。

楚重至于郟 十二年六月

重輦輜一物也。載物必重。謂之重蔽。前後謂之輜。人挽曰輦。夏后氏曰余車。殷曰胡奴車。周曰輜輦。

一○斧○一○斤○一○鑿○一○裡○一○鋤○周○人○加○二○板○二○築○夏○后○
氏○二○十○人○而○輦○殷○十○八○人○而○輦○周○十○五○人○而○輦○夏○
出○師○不○踰○時○殷○踰○時○周○歷○時○故○前○世○輦○少○而○後○世○
輦○多○

文字 十五年六月

蒼頡作書、依類象形、謂之文、其後形聲相益、謂之
字、文者物象之本、字者孳乳而生、故文謂之字、

千家奔齊 十八年十月

聘君若薨於後入竟則遂赴者未至則哭於巷衰
於館受禮不受饗食赴者至則衰而出唯稍受之
歸執圭復命於殯升自西階不升堂子卽位不哭
辯復命如聘子臣皆哭與介入北鄉哭出袒括髮
入門右卽位踊此遭君喪禮也以歸父之公忠宜
宜冥鑒焉卽其君薨家遣奔辟瑣尾之時壇帷成
踊一何其善於禮也予故志其儀爲思遭喪者靳
焉